



Sarajevo, 13.05.2022. godine

Broj: 06-06-2-439-2/22

Predmet: Poziv za učešće na besplatnom seminaru „Ekonomska politika u doba krize“

Poštovani/a,

Vanjskotrgovinska komora Bosne i Hercegovine, uz podršku i u suradnji sa Predstavništvom fondacije Konrad Adenauer u BiH, organizira besplatni seminar „Ekonomska politika u doba krize“, koji će se održati **30. i 31.05.2022. godine u prostorijama Vanjskotrgovinske komore BiH**, ulica Branislava Đurđeva 10, Sarajevo.

Edukacija je namijenjena zaposlenim osobama iz javnog sektora, bankarskog sektora, vladinih institucija, koji žele steći nova ili proširiti postojeća znanja. Zaposlenici iz privrede također mogu imati interes za edukaciju zbog praktičnog, analitičkog dijela, koji može pomoći u svakodnevnom radu.

Cilj edukacije je približiti polaznicima osnovne pojmove makroekonomije, te omogućiti bolje razumijevanje fiskalne politike i politike dohotka u BiH, kroz niz interaktivnih predavanja i diskusija u sklopu svake oblasti. Također, polaznici će kroz praktične primjere naučiti kako pronaći i analizirati neophodne statističke podatke, te kako voditi i upravljati ekonomskom politikom u doba krize. Nakon pohađanja edukacije, polaznici će moći da:

- Savladaju osnovne pojmove makroekonomije i ekonomske politike
- Samostalno pronađu, prikupe i analiziraju neophodne statističke podatke
- Bolje razumiju fiskalni sistem BiH
- Praktično prikažu instrumente ekonomske politike u doba ekonomske krize
- Kritički posmatraju ekonomske reforme i samostalno donose zaključke
- Unaprijede i prošire postojeća ekonomska znanja

Ko su predavači?

dr.sc. Faruk Hadžić

Predavač na Univerzitetu Sarajevo School of Science and Technology (SSST) i makroekonomski analitičar. Autor je četiri knjige i više desetina istraživačkih projekata i naučnih radova. Dobitnik je Zlatne plakete Univerziteta u Tuzli, kao i dvije Srebrene plakete (2005. i 2007. godine) za uspjeh tokom studija.



prof.dr. Svetlana Cenić



Doktor ekonomskih nauka, ekonomski ekspert i civilni aktivista. Rođena u Sarajevu, gdje je i završila fakultet, dok je postdiplomske studije završila u inostranstvu. Od 2007. kolumnista magazina Dani. Trenutno vodi projekat regionalnog poslovnog kluba Biznis plus, predavač je na SHL Akademiji za mlade lidere, te je autor velikog broja stručnih i naučnih radova.

mr.sc. Admir Čavalić

Doktorant na Ekonomskom fakultetu u Tuzli. Autor je na desetine naučnih i stručnih radova, objavljenih u domaćim i stranim publikacijama. Koautor je izvještaja "Covid-19, ekonomske posljedice za BiH, mjere i rješenja". Član je organizacijskog odbora ICEI i DIEC znanstvenih konferencija i član savjetodavnog odbora Journal of Liberty and International Affairs. Član je Atlas Network Think Tank MBA, fellow Britanske ambasade u Bosni i Hercegovini, te Alumni mreže Švicarske ambasade. Član je Vijeća Kongresa bošnjačkih intelektualaca.



prof.dr. Nedim Čelebić



Vanredni profesor poduzetništva, strateškog menadžmenta i liderstva na Fakultetu ekonomije i biznisa Univerziteta – Sarajevske škole za nauku i tehnologiju (SSST). Jedan je od nacionalnih pionira u razvoju poduzetništva i inovacija u visokoškolskim ustanovama kroz razvoj start-up ekosistema, start-up inkubatora, inovacijskih laboratorija i tehnopolis parkova. Prof. Čelebić je serijski poduzetnik sa preduzećima u oblastima kao što su razvoj softvera, marketing i menadžment konsalting. U posljednjih 12 godina radio je na raznim projektima lokalnog i regionalnog ekonomskog razvoja, projektima razvoja poduzetništva i malih i srednjih preduzeća, projektima integriranog razvoja, razvojem politika i reformom javne uprave za međunarodne organizacije kao što su Svjetska banka, UNDP, GIZ, USAID, EUD u Bosni i Hercegovini, Ambasada Velike Britanije u Bosni i Hercegovini, itd. Autor je različitih publikacija u brojnim domaćim i međunarodnim naučnim časopisima, kao i autor tri knjige.



Kako izvršiti prijavu?

Učešće na seminaru je **besplatno**.

Prijava učešća se vrši popunjavanjem **online prijavnog obrasca**.

Broj mjesta je ograničen na 40 polaznika (maksimalno 2 polaznika ispred jedne kompanije), zbog čega se preporučuje blagovremena prijava učešća.

Krajnji rok za dostavljanje prijava je srijeda, 25.05.2022. godine do 12:00 sati.

Kontakt za više informacija

Više informacija u vezi sa seminarom možete dobiti upitom na e-mail adresu edukacija@komorabih.ba ili pozivom na broj telefona 033/566-204 i 033/566-200.

U nadi da ćete prepoznati značaj ove edukacije i svojim učešćem uveličati organizaciju samog događaja, srdačno Vas pozdravljam i ostajem

S poštovanjem,



Elma
dr. sc. Elma Kovačević-Bajtal
Institut za edukaciju VTK BiH
Direktorica

Prilog:

- Program seminara „Ekonomska politika u doba krize“

